

اداره مرکزی :

آنقره ده ، استانبول جاده سنده آنقره
معارف آمینلکی پاشده کی داتره

استانبول بوروسی :

استانبولده ، آنقره جاده سنده ۸۷ نومروده
داتره مخصوصه

حیات

هیانه دامامیان ... دیانه راهای جوق حیات قاتالم ...
نجه -

نسخه هربرده ۱۵ غرورده

سنه لکی پوسنه ایله ۷,۵ لیرا .
(اجنبی مملکتلر ایچین ۷,۵ دولار)

ایونه واعلان ایشلری ایچین استانبول بوروسه
مراجعت ایدیلیر .
بازی ایشلرک مرجعی آنقره مراکزدر .

صافی : ۶۶

آنقره ، ۱ مارت ، ۱۹۲۸

۳ می جلد

مصاحبه :

فلسفه جمعیتی

استانبولده فلسفه مدرس و معلملرینک مشترک
مساعیرینه قوت ویره جک اولان فلسفه جمعیتک
تشکلی نه قادر زماننده اولمشدر . فلسفه واجتماعیات
ایله اشتغال ایله یین متفکرلرک زمان زمان برلشهرک
تدقیق و مطالعه لرینی یکدیگرلرینه بیلدیرملری ، نهایت
اجتماعلرنده مذاکره زمینی اولان موضوعلر حقنده کی
مطالعه لرک (بولته نلر) حالنده نشری صورتیله هیمزک
استفاده ایله مه سنه امکان ویرملری جوق فیض
و ثمره ویره جک مساعیدندر .

بویله بر جمعیت قناعتمه کوره قیمتی اعضاسنک
مساعیسنی ده بر مرکز اطرافنده طوپلامغه یاردم
ایله به جکدر . بوکا جوق احتیاج وارددر . اوکمزده
بر جوق مسئلهلر واردرکه فلسفه واجتماعیات
ایله اوغراشانلریمزک جدی تدقیقلرینی دعوت
ایله به جک ماهیتده در . ارقاداشلریمز پک اعلا
تقدیر ایدرلرکه بر فکر قارغشله نی قارشیسندیز .
بونک نتیجه سی اولارق ماضیدن موروث اولان
وملی ومدنی حیاته تالیف ایدیله مه یین دین
مؤسسه لرینک ییقیلیمه سی بعضی وجدانلرده حضور .
سزلق تولید ایتمشدر . شیمدی به قادر دین
دیجه مدرسهلر و تکیه لری ، دولتک حقوقی
فعالیتنه حاکم اولان بر ذهنیت مواجهه سنده بولو .
نوبوردق . بونلرک هیچ بری معاصر حیاته
تالیف اولونامازدی . اونک ایچین بوسلطة لردن
قور تولغه معطوف جهاد اطرافنده همان بوتون
متفکرلر اتحاد ایتدی . نهایت استقلال حربینک
وجوده کتیردیکی اجتماعی وضعیت و قدرت بوتون
بوانکللری ییقدی . فقط شیمدی بو مؤسسه لر
خارجنده (دین) مسئله سی ، دینی وجدان ، دینی
تحسس مسئله سی .. مواجهه سنده یز . بو مسئله
اطرافنده تدقیق ایدیله جک بر جوق جبهه لروارددر :

بر کره اسلامیه خاص نقطه لر وار .
اسلامیت خلق طبقه سنه تماماً نفوذ ایدهن ،
قاولیکلک و پروتستانلق کبی معین تشکللر
طرفندن متبادیاً محافظه جهدی کوسته ریلن
بر دین اولامشدر . اسلامیت حکومت طرفندن
نیمه ندیکی زمان قوتله نمش ، معاصر حیاتک
طبیعی جریاننی نتیجه سی اولارق حکومت لاییک
اولدجه قوتنی تماماً غائب ایله مشدر . اسلامیه
حاند بوجهلرک تدقیق ایدیلیمه سی و بونک نتیجه سی
اولارق حاصل اولان اجتماعی وضعیت خصوصنده
قناعتلرک اورتایه قونولماسی ، مناقشه ایدیلیمه سی
جوق لازم ، جوق فائده لیدر . دیگر جهندن
عمومیتله دینک استقبالدده اجتماعی و روحی بر
احتیاجه تقابل ایدوب ایتمه دیکی مسئله سی اطرافنده
فیلسوفلرک فکرلرینک نشری و بونک اطرافنده
متفکرلریمزک مناقشه سی بر جوق جهتلری تنویره
یارایاجقدر . بو جمعیت قوتله نه رک خلقده یاشایان
دینی عقیده لری طوپلایا بیلیر ، بونک نه کبی
استحاله لرک اثری اولدیغنی کوسته ره بیلیر و مستقبل
وضعیتی تنویر ایده بیلیر .

اسلامیتده شیمدی به قادر جدی بر (ره فورم)
تشبثک اولاماسی و یا خود بو ره فورم تشبثک
پایلاماسی ده جوق دقته شایان بر حادته در . نه ایچین
اسلامیت آلاستیکیت کوسته ره مه مش ، اجتماعی
محیطک ایسته دیکی حالی آلامامشدر ؟ بونک
اوزرنده تدقیقلر یایمق نه قادر فائده لی اولور ! .
فقط بو کون قارشیسندیه بولوندیغمز اصل
مسئله ، دینی وجدانده کی استحاله به رغماً
« اخلاقی مکلفیت » ک قوتنه خلل کله مه سنی
تامین ایله مکدر . بر طرفدن شیمدی به قادر

اخلاق مکلفیتله دین آراسنده صیقی بر اشتراک
اولماسی ، دیگر طرفدن بر جوق وجدانلر ایچین اخلاقک
الک مهم مؤیده سنک (دین) اولارق تلقیمی یوزندن
دینی وجدانده کی ترلزک نفسمز خارجنده مکلفیت
اعتقادینی ده رخنه دار ایتمه سی ممکندر . بر جوقلرینه
کوره « الله » اعتقادی هیچ اولماز ساکنج روحلرده
نفس خارجنده « اکمل بر وارلغه » محبت تلقین
ایده رو بر نوع « ایده آلیم » ایچین روحلری حاضرلار .
منور بر کنج بو اعتقادی ایلریده بیراقسه بیله
روحنده کندی خارجنده مفکوره لری سومک
ایچین مساعد بر زمین وجوده کلیر . دیگر جهندن
دینی قدسیتک تحلیل ایدیله ایدیله هیچه منجر
اولماسی اخلاقی موضوعلرده ده ایمان قابلیتنی
غائب ایتدیره بیلیر . دینک یاپدینی بو وظیفه رینه
نه یی اقامه ایده بیلیر ؟ کنج روحلرده « ایده آلیم »
زمینی حاضر لاق ، اخلاقی مکلفیت و وظیفه
دویغوسنی ادامه ایتدیرمک ایچون نه یاپمالی یز ؟
بونلر اوله سؤاللردرکه فلسفه جمعیتنده کی
آرقاداشلرک مساعیرینک توجه ایده جکی استقامتی
کوسترر .

فرانسه ده لاییکلک جریاننی ایلرله دیکه
دوغرودن دوغرویه ویا بالواسطه دین اوزرنده ،
اخلاق موضوعی حقنده فلسفی تفکرات آرتدی .
بر طرفدن دینی تحسسلرک روحی موقعی ، دیگر جهندن
دینک اجتماعی مؤسسه اولارق تدقیقی روحیات
واجتماعیات علملرینه حاند مساعینک الک مهم
مرکزینی تشکیل ایدیور . بر متفکرک ، بر عالمک
هر هانکی موضوع اوزرنده اک جوق فعالیت
و قدرت صرف ایتمه سی اجتماعی احتیاج ایله
شدتله علاقه داردر . صوک آلتش ، یتش سنه

و مهم برشی بود. اگر مطلقاً غازه ته به درج ابدیله سی لازم ایه اورتا صحیفه لره درت سطرلری بر حوادث اولارق قونولاسی مناسبدر . موضوعك بوندن فضله سنه تحملی یوقدر .

یوقاریکی سطرلری بوندن بر قاج آی اول یازمشم . همده نشر اتمك ایچین دكل ، شویله ، وقت کچیرمش اولقی ایچین . کچن هفته یچنده بوراده چیقان بر غازه ته ده بر مقاله اوقودم . مقاله نك ساحی نوركلر ایچین یاردیجی بر لسانه لزوم اولدیغنی ادعا ایدیور و ادعاسنی اثبات ایچین بر آلائی دیلر و دیلر دوکیور . نیم آ کلایشمه کوره بو ذانك ایسته دیکی غالباً بر نوع « لسان مانداسی » . بویوك بر حرت لسانی یاردیجی لسان اولارق آلاچقز ، بو ، تورکجه نك و صیسی ویا سوت نینه سی کیبی برشی اولاجق . تورکجه اونك کولکه سنده واونك حبابه سیله سله نه جك ، بویوكه جك ... نه ، بوده بر فکر . یالکز مقاله ده بر جله وارکه اونی آ کلا یامادم . دارالفنونده بعضی تورک معلملرک ، مکمل فرانسزجه بیلدکلری حالده ، درس لری تورکجه تقریر اتمه لری مقاله ص . حاجتجه مناسبتر بر حرکت عد اولونیور . حالبوکه بانا بونك عکسی مناسبتر کورونیور : تورک دارالفنوننده تورک مدرس لری طرفندن اجنی لسانی ایله درس و بریله سی ... تورکجه مستملکه اولامق ایچین دونیاده مثلش بر قهرمانلق کوستردی ، ملی استقلالنی تمایله قورتاردی . تورک ملتی کندیسه خاص برکولتوره مالکدر ، همده عصرلردن بری . شیمدی ناسیل اولورده تورکار ، عادتاً شعورسز بر مستملکه خلقی کیبی ، اجنی لسانی ایله تدریساته تحمل ایدر ؟ بر طرفندن دارالفنون کنجلی عمومی برلزه « وطن داش » ، تورکجه قونوش ! « لوحه لری آسارکن دیگر طرفدن بز ، دارالفنون مدرس لری نه « خوجا ، فرانسزجه تقریر ایت ! » دیرسه ک ، بویوك غریب بر حال اولامزی ؟ فلانملر سنه لرجه محادله ایتدکن صوکر اغاند دارالفنونك تدریساتی فلانمانجه به جویرتدیله ، وونی بویوك حرث طفری اولارق تسعید ایتدیله . بلجیقا حدودلری داخلنده اوچ بوجوق میلونلق فلانمان فرانسزلاشایه تحمل ایدمه زکن الی . یلیون تورکک بردانه جك مستقل دارالفنوننده اجنی لسانی ایله تدریسات ایسته مک ، همده ، ایشك فجیع جهتی ، تورکجه نك و تورککلک خبری و سلامتی نامه ایسته مک نه ایله توصیف ایدیله جك بر حرکتدر ، بیله مه یورم .

ایسته بو حادنه قارشیسنده « تولجو دأره سی » یازیسی تکرار آله آلدیم . کنیدی « معنوی تولجو » مدیر عمومی فرض ایتدم . کوردم که بزم تشکیلات مملکتنده کی لسان و فکر شورشی قارشیلایه قطعاً کافی کلمه به جك . همان برلایه یازدم ؛ تشکیلاتک اساسی بر صورتده توسیعی لزومنی اوزون اوزادی به ایضاح ایتدم . و صوکه قسمنه « تکلیف ایتدیکم یکی قادرونك قبولنه امکان بولونامازسه بو آغیر ایشك مسئولیتدن عفو ایدیله می اهمیتله رجا ایدم . » قهره سنی ده علاوه ایدم رک لایحه می عائد اولدینی بوکسك مقامه تقدیم ایتدم ... ایشك ایچندن چیقدم ...

عولی

« معنوی تولجو دأره سی »

ک. روشلر :

آلدن کلمه بدی مطبوعات ایچون بر « تولجو » دأره سی احداث ایدردم ، وظیفه سی شونلر اولاق اوزره :

(۱) تورکیه ده نشر اولنه جق یازیلده قوللانیلان صفترلک ، مدح و ذم تعبیرلرینک قوت و درجه لری و بونلرک موصوفلریله و مدح و مذموملریله مناسبتی تعیین اتمک ؛ (۲) بوقبیل صفت و تعبیرلرک معنایلی بن الملل مقیاسلره کوره عیارلاق . « تولجو دأره سی » نده بالطبع بر مدیر عمومی ایله بر جوق متخصص بولونوردی . یالکز بوتون تورکیه نك احتیاجنه بیله جك عددده متخصص بولونا بیلیرمیدی ؟ بوجهی کسیرمه م .

خولیا بویا ، فرض ایدیورم که بو دأره احداث ایدیلش و هر ولایته - عادتاً سابق دیوان محاسبات مراقبری کی - بر « معنوی تولجو مراقبی » تعیین اولونش و تشکیلات فعالیتنه باشلامش .

کونک برنده استانبول تولجو مراقبکنه بر کونده لک غازه ته یازیسی کتیریلیور . اجنی مملکتلرده چالیشمقده اولان بر تورک تماشا صنعتکاری سرگذشتدن بیقمش ، تورکیه به دوغش و آرتیق بوراده چالیشاجقمش . بو مناسبته غازه ته او صنعتکاره پارلاق بر « خوش کلدک » مقاله سی یازیور . مراقب یازی به باقیور :

« سنک السهی دهاک ! ... ای ، صنعت طانک معبودی اولان سن ! ... »

تعبیرلری کورونجه درحال ترازوی آله آلیور . اولا بونلری ، صوکر ا موصوفی اعتنا ایله طاریور . نتیجه ی قید ایدیور . بین الملل قیمت و شهرت جدوللرینک تماشا صنعتکارلری فصلنه باقیور ؛ بولدی نتیجه ایله بوراده مقیددر جهلری مقایسه ایله یور ، حکمی و بریور : « اولاماز ! مدح ایچین قوللانیلان صفترلک درجه لری حدنظامیدن جوق فضله در . « السهی دهاک » برینه « بوکسک بر استعداد » و « صنعت معبودی » برینه « مملکتیزک ده کرلی بر صنعتکاری » دیمک لازمدر .

باشقا بر کون ینه بر کونده لک غازه ته ایچین مراقبکه مراجعت ایدیور . فیلانندیاده ایش بولارق برله شممش بر تورک هوکه یجیمی استانبوله کلش . بر مدت بوراده قاله جق و اسکی قلوبنده اویسایه جقمش ... غازه ته بو حادنه یی ایلک صحیفه ده بول رسمی درت ستونلق بر مدحیه ایله قارئلرینه بشیر اتمک ایسته یور . ترازوی تکرار فعالیتنه کچور . بین الملل مقایسه یاییور . طیاره ایله بر حله ده آطلاس دکیزینی کچن لیندبرغک آمریقایه عودتنده یاییلان مطبوعات نظاهرلری کوزدن کچیریلیور . اک کورولتوجی آمریقان غازه ته لرینک بو مناسبته یایدقلمی نشریات تدقیق اولونیور . ایسته نتیجه :

« وقعه یی غازه ته نك سپور قسمته معقول بر لسانله یازیلش یاریم ستونلق بر حوادث شکلنده درج اتمک کافیدر . »

باشقا بر غازه ته نك دیگر بر یازیسی :

« زنکبار ممثلی سید محمدالجی حضرتلری ایله چین بویوك ایلجیسی وان کین - سیانغ جنابلری آقریه کینشلدرد . »

مراقبک حکمی :

« زنکبار ممثلی اورتا ایلیجی بیله دکلدر ، »

« حضرتلری » عنوانی جوقدر . یالکز « افندی »

ویا « بک » دیمک کافیدر . چین بویوك ایلجیسنه

« جنابلری » دیغزه ، برشی دیمک لازمه « حضرتلری »

دیملدر . بین الملل مقیاسلره کوره رسمی عنوانلرده

دیس ، ملیت فرقلری کوزه نك عادت دکلدر . اسکی

زمانلرده « شامتلو ، حشمتلو » ، « حضرتلری ،

جنابلری » کیبی فرقلر واردی . بویوك یوقدر .

بو عنوانلر یا هیچ قوللایلماز ، یاخود بین الملل

مقیاسلره کوره قوللایلیله .

« اساره سفن » اداره سی فایزقاسنده بر مونوربوط

یایلمش . بونک حقنده بر غازه ته بر یازی درج

ایتمک ایسته یورکه شودر :

بر فن و صنعت خارقه سی

معظم بر مرفقیته

« اساره سفن » اداره سی فایزقازنده انشا

ایدیلره رک دون تجربه لری یاییلان « ارجاش » موطوربوطی

جداً امثالسز بر فن و صنعت خارقه سی در . مونوربوطک

پلانلری چین مهندس تورکدر . اک کوچوک قسمی

اعمال ایدن عملیه وارنجه به قدار ، بو اثری بومعظم

اثری اورنایه جیقارانلر کاملاً تورکدر . انشا

مالزمه سی کاملاً برلی مالیدر . یالکز مونور آمریقاندن

کتیرتیلمشدر . دونکی تجربه لرده مونوربوط ساعنده

اون سکز میل سرعتله سیر ایتشدرد . بوخارق العاده

موفقیته دولایسیله « اساره سفن » اداره سنی واولک

دائماً خارقه لری یاراتان محترم و بوکسک مدیر عمومیسی

..... بک افندی یی تبریک ایدم .

تولجو دأره نك مطالعه سی :

« ژاپونیاده ۲۵۰۰۰ طونلق سوپردرده دنوطار

انشا ایدیور . بونلر حقنده ژاپون غازه ته لری بوقادار

کورولتولو نشریات یایما یورلر . مونوربوطلرک ایلیری

اونوزمیل سرعتله کیدر . بوحدی کچلرده واردر .

موضوع بحث مونوربوط اون سکز میلک سرعتی

ایله متوسط برشی در . بر مونوربوطده اک مهم قسم

مونوردرد . او خارجدن کلدکن صوکر ا تکتنه نك

انشاسی مثله دکلدر . خصوصیه بو مملکتده جوق

اسکی زمانلردن بری تورک اوستالر وایشجیلر بویوك

وجوق کوزه ل یلکن کیلری یایارلر . اورناده یکی